

Վ. Ի. ԼԵՆԻՆ

Վ. Ի. ԼԵՆԻՆԸ ԵՎ ԿՈՒԼՏՈՒՐԱԿԱՆ ՆԵՂԱՓՈԽՈՒԹՅՈՒՆԸ ՍՍՀՄ-ՈՒՄ

Պատմ. գիտ. դոկտոր Կ. Ս. ԽՈՒԴԱՎԵՐԴՅԱՆ

Վլադիմիր Իլյիչ Լենինի տեսական և գործնական բաղմակողմանի գործունեության մեջ կարևոր տեղ են զբաղում սոցիալիստական մշակույթի ստեղծման, մեր երկրում կուլտուրական հեղափոխության իրականացման հետ կապված հարցերը։ Վ. Ի. Լենինը հսկայական ներդրում կատարեց մշակույթի մարքսիստական տեսության զարգացման մեջ։ Նա մշակեց մարքսիզմի հարստացնող մի շարք սկզբունքային դրույթներ, որոնք նոր աստիճանի բարձրացրին մշակույթի մասին մարքսիստական ուսմունքը։

Զարգացնելով Մարքսի և Էնգելսի դրույթները մշակույթի դասակարգային բովանդակության, հոգևոր կյանքի կոնկրետ երևույթներում առաջադիմական ու հետադիմական միտումներ տարբերելու անհրաժեշտության վերաբերյալ, Վ. Ի. Լենինը 1913 թ. կատարեց տեսական կարևորագույն ընդհանրացում, որը դարձավ դասական բանաձև. «Կա երկու ազդ ժամանակակից յուրաքանչյուր ազդի մեջ... Կա երկու ազդային կուլտուրա յուրաքանչյուր ազդային կուլտուրայի մեջ»¹։

Ունտագոնիստական հասարակության պայմաններում ազդային մշակույթի սոցիալական երկատվածության դրույթը հանգամանորեն փաստարկված է Վ. Ի. Լենինի «Քննադատական դիտողությունների ազդային հարցի մասին», «Թեզիսներ ազդային հարցի մասին», «Վերկոոուսների ազդային հպարտության մասին» և այլ աշխատություններում։

«Յուրաքանչյուր ազդային կուլտուրայում կան,— գրում էր Լենինը,— թեկուզ չզարգացած, դեմոկրատական և սոցիալիստական կուլտուրայի տարրեր, որովհետև յուրաքանչյուր ազդի մեջ կա աշխատավոր և շահագործվող մասսա, որի կյանքի պայմանները անխուսափելիորեն ծնունդ են տալիս դեմոկրատական և սոցիալիստական իդեոլոգիայի։ Բայց յուրաքանչյուր ազդի մեջ կա նաև բուրժուական (իսկ մեծ մասամբ նաև սեփականության իրավունք) կուլտուրա— և այն էլ ոչ թե «տարրերի» միայն, այլ տիրապետող կուլտուրայի ձևով»²։

Ույս դրույթը Լենինը պաշտպանեց բուրժուական և մանրբուրժուական տարրեր խմբակցությունների ներկայացուցիչների դեմ մղված պայքարում, որոնք

¹ Վ. Ի. Լենին, Երկեր, հատ. 20, էջ 20։

² Նույն տեղում, էջ 9—10։

յուրաքանչյուր ժողովրդի մշակույթը դիտում էին որպես սոցիալական առումով միասնական, առանձնացած և իր ազգային շրջանակների մեջ մեկուսացած երևույթ։ Վ. Ի. Լենինը ցույց տվեց, որ ազգային մշակույթի սոցիալական միասնության տեսության տակ թաքնված է ազգի ներսում «դասակարգային համարաշխոյթյան» գաղափարը, որը բուրժուազիայի ջատագովները օգտագործում էին սոցիալական ընդհարումների կանխման և շահագործող դասակարգերի տիրապետությունը հավերժացնելու նպատակով։ Վ. Ի. Լենինը բացահայտեց ազգային մշակույթի՝ որպես ինչ-որ միասնու, քարացած, սոցիալական տարբեր միտումների զարգացումից ազատ պատկերացման անհիմն լինելը, ցույց տվեց նոր ծնվող սոցիալիստական մշակույթը գոյություն ունեցող ազգային մշակույթից անկախ դիտելու սխալականությունը։ Կարևոր է նշել, որ բուրժուական մշակույթին Լենինը հակադրում է ոչ միայն սոսկ սոցիալիստական տարրերը, այլ դեմոկրատական ու սոցիալիստական տարրերը իրենց ամբողջականության մեջ։ «...Մենք յուրաքանչյուր ազգային կուլտուրայից վերցնում ենք միայն նրա դեմոկրատական և նրա սոցիալիստական տարրերը, վերցնում ենք դրանք միայն և անպայման իբրև հակակշիռ յուրաքանչյուր ազգի բուրժուական կուլտուրայի, բուրժուական նացիոնալիզմի»³։ Այս դրույթի մեջ արտահայտված է Լենինի վերաբերմունքը դեպի անցյալի մշակույթը, կուլտուրական ժառանգությունը, որի դեմոկրատական նվաճումները, ինչպես գտնում էր Լենինը, կարող են ծառայել նոր հասարակության շահերին։

Գեղարվեստական ստեղծագործության դասակարգային բնույթի մասին Մարքսի և էնգելսի դրույթները իրենց հետագա զարգացումը և դասական ընդհանրացումը գտան հողերի մշակույթի կուսակցականության վերաբերյալ Լենինի մշակած սկզբունքի մեջ։ Դեռևս իր վաղ շրջանի աշխատություններից մեկում Լենինը գրել է. «...Ոչ մի կենդանի մարդ չի կարող այս կամ այն դասակարգի կողմնակից չլառնալ (բանի եր հասկացել է նրանց փոխհարաբերությունները)։ չի կարող չուրախանալ տվյալ դասակարգի հաջողությամբ, չի կարող չվշտանալ նրա անհաջողություններով, չի կարող չզայրանալ նրանց վրա, ովքեր թշնամի են այդ դասակարգին, նրանց վրա, ովքեր հետամնաց հայացքների տարածելով խանգարում են նրա զարգացմանը և այլն, և այլն»⁴։ Այս միտքը ընկած է հողերի մշակույթի կուսակցականության սկզբունքի հիմքում, քանի որ անտազոնիստական հասարակության մեջ մշակույթի յուրաքանչյուր գործիչ պիտի պարզի իր դիրքորոշումը, ընտրություն կատարի, կանգնի որևէ դասակարգի կողմը և իր արվեստը ծառայեցնի նրա շահերին։

Հողերի մշակույթի կուսակցականության սկզբունքը ավելի լրիվ Վ. Ի. Լենինը բացահայտել է «կուսակցական կազմակերպություն և կուսակցական պրակտիկություն» հայտնի հոդվածում։ Հոդվածի հիմնական թևեր ձևակերպված է հետևյալ կերպ. «Փրականությունը պետք է դառնա կուսակցական, ի հակակշիռ բուրժուական բարբերի, ի հակակշիռ բուրժուական ձեռնարկության, չարչիական մամուլի, ի հակակշիռ բուրժուական գրական կարիերիզմի և ինդիվիդուալիզմի, «աղայական անարխիզմի» և շահամոլության, — սոցիալիստական պրոլետարիատը պետք է առաջադրի կուսակցական գրականության սկզբունքը, զարգացնի այդ սկզբունքը և հնարավորին չափ ավելի լրիվ ու ավել-

³ Նույն տեղում, էջ 10։

⁴ Վ. Ի. Լենին, Երկերի լիակատար ժողովածու, հատ. 2, էջ 684։

լի ամբողջական ձևով կենսագործի այն⁵։ Լենինը գտնում էր, որ գրականությունը պիտի է դառնա համադրուկ տարական գործի մի մասը, նպաստի բանավոր դասակարգի իդեալներին հասնելուն։ Սա թնավ չի նշանակում, որ գրականությունը կորցնում է իր առանձնահատկությունը, որ նրա դրսևորման շրջանակը նեղանում է մինչև կուսակցության գործնական խնդիրները։ Լենինը ընդունում էր, որ գրականությունը՝ որպես հասարակական գիտակցության ձև, ունի իր ֆունկցիաները, որ գեղարվեստական ստեղծագործության մեջ դրսևավորվում են անհատական հակումներ, վարպետություն, որ այստեղ չի կարող լինել համահարթեցում։ Կուսակցականության հարցը Լենինը դիտում է նրա բաղադրական ու մեթոդաբանական ասպեկտներով, կուսակցականության սկզբունքները տարածելով հոգևոր ստեղծագործության բոլոր տեսակների վրա։ Վ. Ի. Լենինը իր աշխատություններում ոչ միայն զարգացրեց մարքսիզմի դերույթները մշակույթի դասակարգայնության և կուսակցականության վերաբերյալ, այլև տվեց գրականության և արվեստի բարդ երևույթների, գեղարվեստական ստեղծագործության պրոցեսների՝ կուսակցականության դիրքերից վերլուծության փայլուն օրինակներ։

Սակայն Լենինը մշակույթի խոշոր տեսաբան չէր միայն. նրան էր վիճակված գործնականում լուծելու նոր, սոցիալիստական մշակույթի հաստատման բարդ ու բազմազան խնդիրները։ Հոկտեմբերյան հեղափոխությունից հետո, 1917—1923 թթ. ընթացքում Վ. Ի. Լենինը անձամբ ղեկավարում էր մեր երկրում կուլտուրական շինարարության ընթացքը։ Սովետական երկրի ղեկավարի այդ շրջանի կուսակցական ու պետական գործունեությունը հիմնավորապես ուսումնասիրված է, ստեղծվել են ոչ միայն մենագրություններ, այլև կենսագրական տարեգրություններ, որոնք հնարավորություն են տալիս օր-օրի հետևելու Սովետների երկրի կառավարության առաջին նախագահի գործունեությանը։ Կարելի է համարձակորեն պնդել, որ չի եղել մի օր, որպեսզի Լենինը չլքեց իր կուլտուրական շինարարության խնդիրներով։ Սովետական մշակույթի ականավոր կառուցողներից մեկի՝ Ա. Վ. Լունաչարսկու հիշողություններից հայտնի է, որ Ձմեռային պալատի գրավման հենց հաջորդ օրը Լենինը Լունաչարսկու հետ ունեցած պրուցիի ժամանակ կիսում էր իր մտքերը երկրում գրադարանային գործի վերականգնման վերաբերյալ, այն հաշվով, որ դիրքը հասանելի դառնա աշխատավոր լայն զանգվածներին։

Վ. Ի. Լենինի գլխավորությամբ Ռկ(բ)Կ Կենտրոնական կոմիտեի Քաղբյուրոյի և Ժողովրդական կոմիսարների խորհրդի նիստերին քննարկվում և վճռվում էին մշակույթի ամենաբազմազան հարցեր՝ լուսավորության պետական մարմինների կազմակերպումը, բուրժուական մամուլի վերացումը և սովետական մամուլի ստեղծումը, գիտության մոբիլիզացումը սոցիալիստական շինարարությանը ծառայելու նպատակով, բարձրագույն դպրոցի ռեֆորմը, հին մտավորականության ներգրավումը սովետական իշխանության կողմը և նոր մտավորականության ստեղծումը, մոնումենտալ պրոպագանդան, թատրոնների վիճակը և այլն։ Փաստերը վկայում են, որ չկար երկրի կուլտուրական կյանքի բիշ թե շատ նշանակալից մի բնագավառ, որը չլիներ Վլադիմիր Լյինի տեսադաշտում։ Ընդամին Լենինը հանդես էր գալիս որպես նախաձեռնող, մատնակցում էր հարցերի մշակմանը և քննարկմանը, գրում էր, խմբա-

⁵ Նույն տեղում, հատ. 12, էջ 120—121։

գրում և, վերջապես, ստորագրում կուլտուրական շինարարության խնդիրների վերաբերյալ ղեկրետների ու որոշումների մեծ մասը: Լենինին հատուկ հետևավողականությունը, համոզելու ուժը, անցկացվող միջոցառումների վերջնական նպատակները բացատրելու կարողությունը՝ միացած տակտի, համբերողություն, իսկ անհրաժեշտության դեպքում՝ վճռականության հետ, հնարավորություն տվեցին սովետական մշակույթի հաստատման ամենադժվար տարիներին, երբ ժողովուրդը և երկիրը գնում էին նոր ճանապարհներով, խուսափել սխալներից ու ծայրահեղություններից, որոնք հնարավոր են սամին մի նոր գործում: Վ. Ի. Լենինի անմիջական ղեկավար մասնակցությունը կուլտուրական շինարարությանը, սոցիալիստական մշակույթի ստեղծման գործում նրա անգնահատելի ծառայությունները Մ. Գորկուն հիմք են տվել Լենինին համարելու «նոր, սոցիալիստական մշակույթի հիմնադիր»:

Հողվածի շրջանակներում դժվար է լուսաբանել կուլտուրական շինարարության տեսական հարցերի մշակման և գործնական ղեկավարման բնագավառում Վ. Ի. Լենինի գործունեության բոլոր կողմերը: Այս պատճառով մենք կսահմանափակվենք միայն երեք հարցի դիտարկմամբ՝ կուլտուրական հեղափոխության տեղը սոցիալիստական շինարարության լենինյան պլանում. կուլտուրայի զարգացման ղեկավարումը կուսակցության կողմից, կուլտուրական ժառանգության պրոբլեմը:

Կուլտուրական հեղափոխության ուսմունքը հանդիսանում է մեր երկրում սոցիալիզմի կառուցման Լենինի մշակած պլանի բաղկացուցիչ մասը: Մեր ժելով և ծաղրելով մենշևիկյան դատողություններն այն մասին, որ Ռուսաստանի կուլտուրական մակարդակը թույլ չի տալիս լրջորեն խոսելու այստեղ սոցիալիզմի կառուցման հնարավորության մասին, Լենինը գտնում էր, որ սոցիալիզմի կառուցման ընթացքում պետք է վճռվեն հասարակության քաղաքական, տնտեսական, սոցիալական և հոգևոր վերակառուցման խնդիրներն ամբողջությամբ, համատեղ: «Մեր հակառակորդները մեզ շատ անգամ ասել են, — գրել է Լենինը «Կոոպերացիայի մասին» հոդվածում, — թե մենք ձեռնարկում ենք ոչ-բավականաչափ կուլտուրական երկրում սոցիալիզմ պատվաստելու ցնորամիտ գործին: Բայց նրանք սխալվեցին այն բանում, որ մենք չկասեցինք ոչ այն ծայրից, ինչպես ենթադրվում էր ըստ (ամեն տեսակ պեղանտների) թեորիայի, և որ մեզանում քաղաքական ու սոցիալական հեղաշրջումը նախակարապետ հանդիսացավ այն կուլտուրական հեղաշրջման, այն կուլտուրական հեղափոխության, որի հանդեպ մենք, անուամենայնիվ, կանգնած ենք այժմ երես առ երես»⁶: Վ. Ի. Լենինը բազմիցս ընդգծում էր երկրի առջև կանգնած սոցիալ-տնտեսական և կուլտուրական խնդիրների փոխադարձ պայմանավորվածությունը: «Սովետական իշխանության հերթական խնդիրները» ծրագրային հոդվածում Լենինը մատնանշում էր, որ կապիտալիզմի նկատմամբ լիակատար հաղթանակ ձեռք բերելու համար անհրաժեշտ է հասնել աշխատանքի բարձրագույն արտադրողականության, և հարցի լուծման առաջին պայմանն ա համարում էր բնակչության ընդհանուր կրթական և կուլտուրական մակարդակի բարձրացումը:

6 Վ. Ի. Լենին, Երկր, հատ. 33, էջ 565:

7 Տե՛ս նույն տեղում, հատ. 27, էջ 307:

Կուլտուրական հեղափոխության կարևորագույն նպատակներից մեկը Վ. Ի. Լենինը համարում էր մշակույթի դեմոկրատացումը, աշխատավորական զանգվածների համար՝ գիտելիքների, կրթության ու մշակույթի իրական մատչելիության ապահովումը, ժողովրդից կուլտուրայի նախին խորթության վերացումը։ Այս խնդիրը Լենինի կողմից ձևակերպվել է 1918 թ., երբ սովետական երիտասարդ հանրապետությունը պետք է հոգ տաներ ոչ այնքան կուլտուրական վերակառուցումների, որքան այն մասին, թե ինչպես դիմակայի հակահեղափոխական ուժերի և ինտերվենցիայի ճնշմանը։ Այդ ժանր օրերին Լենինը գրում էր. «Առաջ ամբողջ մարդկային խելքը, նրա ամբողջ հանճարն ստեղծագործում էր միմիայն նրա համար, որպեսզի մի կարգ մարդկանց տա տեխնիկայի ու կուլտուրայի բոլոր բարիքները, իսկ մյուսներին ղրկի ամենաանհրաժեշտից՝ լուսավորությունից ու զարգացումից։ Իսկ այժմ տեխնիկայի բոլոր հրաշքները, կուլտուրայի բոլոր նվաճումները դառնալու են համաժողովրդական սեփականություն, և այսուհետև մարդկանց խելքն ու հանճարը էլ երբեք բրդնության միջոցների, շահագործման միջոցների չեն վերածվի»⁸։ Կոմունիստական կուսակցությունը և սովետական իշխանությունը հետևողականորեն իրականացնում էին Լենինյան կանխագծումները. մշակույթի դեմոկրատացումը, աշխատավոր լայն զանգվածներին մշակույթին հաղորդակից դարձնելը հնարավոր եղավ իրականացնել համատարած անգրագիտության վերացմամբ, լուսավորության սովետական սիստեմի ստեղծմամբ, պարտադիր ուսուցման իրականացմամբ, դեպի բարձրագույն կրթությունը աշխատավորների մուտքի ապահովմամբ, զանգվածների քաղաքական լուսավորությամբ։

Կուլտուրական հեղափոխությունը հետապնդում էր մարդկանց հասարակական գիտակցության արմատական վերափոխման, նոր, սոցիալիստական զաղափարախոսության հաստատման նպատակ։ Այդ զաղափարախոսության հիմքն է հանդիսանում մարքսիստական աշխարհայացքը, սոցիալիստական ինտերնացիոնալիզմի սկզբունքը։ Վ. Ի. Լենինը գտնում էր, որ պրոլետարական մշակույթը, որը հենվում է մարքսիզմի զաղափարախոսության վրա, ներառում է իր մեջ ազգային մշակույթների հետևողականորեն դեմոկրատական ու սոցիալիստական տարրերը, կդառնա իսկապես ինտերնացիոնալ մշակույթ։ Սովետական մշակույթը պետք է խաղա իր դերը նոր մարդու դաստիարակման, կոմունիստական զաղափարախոսության հաստատման գործում։

Մշակելով կուլտուրական հեղափոխության տեսությունը, Վ. Ի. Լենինը գտնում էր, որ նրա հաջող իրականացման գրավականը աշխատավոր ամենալայն զանգվածների շահագրգռվածությունն է, նրանց մասնակցությունը սովետական իշխանության կուլտուրական բոլոր ձեռնարկումներին։ Դեռ մինչև սոցիալիստական հեղափոխության հաղթանակը Վ. Ի. Լենինը կանխատեսում էր, որ ժողովրդական զանգվածները, որոնք կապիտալիզմի օրոք զրկված էին գիտելիքների ձեռքբերման և մշակույթի հետ հաղորդակցվելու հնարավորությունից, սոցիալիստական հեղափոխության բերած ազատության և հավասարության պայմաններում ամբողջ ուժով կձգտեն դեպի կուլտուրան։ Վ. Ի. Լենինը նշում էր, որ հեղափոխությունը պետք է մասսաներին կոչի «հիմնավոր պատմական ստեղծագործություն», դուրս բերի նրանց ահավոր հետամնացությունից, անհավատալի խավարից, պետք է արթնացնի հաղարավոր

⁸ Նույն տեղում, հատ. 26, էջ 589—590։

Ճնշված մարդկանց գիտակցությունը: «Ներքեից»,— գրել է Վ. Ի. Լենինը արդեն հեղափոխությունից հետո,— այսինքն՝ աշխատավորների այն մասսայից, որ կապիտալիզմը հեռու էր պահում— թե՛ բացահայտ կերպով, բունությամբ և թե՛ կեղծավորության ու խաբերայության միջոցներով— հեռու էր պահում կրթությունից, հզոր վերելք է տեղի ունենում գեպի լույսն ու գիտությունը: Մենք իրավունք ունենք պարծենալու, որ օգնում ենք այդ վերելքին և ծառայում ենք նրան»⁹: Մեր երկրում կուլտուրական հեղափոխության պատմական փորձը հաստատեց Վ. Ի. Լենինի կանխատեսումը կուլտուրական հեղափոխության իսկական ժողովրդական բնույթի մասին: Սա ամենից առաջ նշանակում է, որ կուլտուրական հեղափոխությունը իրականացավ ժողովրդական ամենալայն շերտերի շահերին համապատասխան, այն բանի համար, որպեսզի աշխատավորներին տրվեն «իրականում կուլտուրայի, քաղաքակրթության և գիմոկրատիայի բարիքներից օգտվելու»¹⁰ բոլոր հնարավորությունները: Կուլտուրական հեղափոխության ժողովրդական բնույթը դրսևորվեց նաև նրանում, որ այն իրականացրեց հենց ինքը՝ ժողովուրդը: Մեր երկրի բազմազգ ժողովուրդները կուսակցության և պետության կուլտուրական քաղաքականության մեջ տեսան մարմնավորումը իրենց լավագույն երազանքների, կենսագործումը այն իդեալների, հանուն որոնց ելան Ռուսաստանի ժողովուրդների հիանալի զավակները՝ մեծ լուսավորիչներ, ազգային ժողովրդական մշակույթի ստեղծման քարոզիչներ Նիկոլայ Զերնիշևսկին և Տարաս Շևչենկոն, Խաչատուր Աբովյանը և Միրզա Ֆաթալի Ախունդովը, Յան Ռայնիսը և Կոստա Խետազուրովը:

Սոցիալիստական շինարարության հաջողության պայմանը Վ. Ի. Լենինը համարում էր կուսակցական ղեկավարությունը: Այս դրույթը նա տարածում էր նաև կուլտուրական շինարարության վրա: Հանդես գալով կուլտուրական շինարարության բնագավառում ղեկընտարման մեթոդների դեմ, Լենինը միաժամանակ բնդգծում էր կուլտուրական հեղափոխությունը ղեկավարելու անհրաժեշտությունը, բնգծելով շեշտելով կուսակցության վճռական դերը այդ գործում: Խոսելով ժողովրդական զանգվածների հսկայական ակտիվության մասին, որոնք սոցիալիստական հեղափոխությունից հետո ձգվեցին գեպի գիտելիքները ու լուսավորությունը, Վ. Ի. Լենինը մատնանշում էր. «Մենք պետք է պլանաչափորեն ղեկավարենք այդ պրոցեսը և ձևավորենք նրա արդյունքները»¹¹: Վ. Ի. Լենինը վճռականորեն հանդես էր գալիս սոցիալիզմի օրոք մշակույթի տարերային և անկոնտրոլ զարգացման վերաբերյալ անարխիստական լուրջ դիմ, որի կողմնակիցները արտահայտվում էին մշակույթի գործում «չեզոքություն» օգտին՝ ինչպես սոցիալիստական հեղափոխությունից առաջ, այնպես էլ նրա հաղթանակից հետո: Վ. Ի. Լենինը ուսուցանում էր, որ հոգևոր մշակույթի բնագավառում ղեկավարությունը դա ամենից առաջ կուսակցության կողմից զաղափարական ղեկավարության իրականացումն է, կոմունիստական զաղափարախոսության հաստատումը, պայքարը բուրժուական աշխարհայացքի դեմ: Սովետական իշխանության առաջին տարիներին, երբ Պրոլետկուլտի զաղափարախոսները հանդես էին գալիս կուլտուրական շինարարության մեջ սովետական պետության ղեկավար դերի դեմ, Վ. Ի. Լենինը վճռականապես պաշտպանում էր կուլտուրական հեղափոխության ղեկավար-

⁹ Նույն տեղում, հատ. 32, էջ 146—147:

¹⁰ Նույն տեղում, հատ. 29, էջ 118:

¹¹ Տե՛ս Կ. Ետկին, Воспоминания о Ленине, М., 1955, էջ 13:

ման խիստ կենտրոնացման սկզբունքը, ընդգծելով, որ կուլտուրական շինարարության խնդիրները պրոլետարական դիկտատուրայի խնդիրների անբաժանելի մասն են կազմում:

Իրագործելով լենինյան ցուցումները, կուսակցությունը և սովետական պետությունը կուլտուրական շինարարությանը հաղորդեցին պլանավորված, բնույթ, որոշեցին խնդիրների լուծման հերթականությունը, հոգ տարան մշակույթի նյութական բազայի ստեղծման և զարգացման, գիտության և մշակույթի նվաճումները սոցիալիզմի կառուցման շահերին ծառայեցնելու մասին:

Կուլտուրական շինարարության հարցերը մշտապես եղել են կոմունիստական կուսակցության և սովետական պետության ուղադրության կենտրոնում: Կուլտուրական շինարարության այնպիսի կարևոր հարցեր, ինչպիսիք էին մասնաշաղկապ անդրադիտության վերացումը, կրթության սովետական սիստեմի ստեղծումը և զարգացումը, մասսաների քաղաքական յուսավորությունը, ժողովրդական տնտեսության համար մասնագիտական կադրերի ստեղծումը և այլն, բազմիցս քննարկվել են կուսակցության համագումարներում ու կոնֆերանսներում, Կենտրոնական կոմիտեի պլենումներում, երկրի բարձրագույն օրենսդիր մարմինների նստաշրջաններում: 1917—1923 թթ. ընթացքում Վ. Ի. Լենինը տասնյակ անգամներ ելույթ է ունեցել կուլտուրական շինարարության խնդիրների մասին՝ դպրոցի և քաղյուսվարչության աշխատողների համառուսաստանյան խորհրդակցություններում, կոմերիտմիության համագումարում, լուսաբանել է այդ հարցերը իր հոդվածներում: Հենվելով Վ. Ի. Լենինի ցուցումների վրա, կուսակցությունը մշտապես հաշվի է առնել մշակույթի տարբեր բնագավառների առանձնահատկությունները, ձգտել ամեն կերպ նպաստել մասսաների ստեղծագործական նախաձեռնության ավելի լրիվ բացահայտմանը հոգևոր կյանքի ասպարեզում: Մեր երկրում կուլտուրական շինարարության փորձը ցույց տվեց, որ կոմունիստական կուսակցության և սովետական պետության կողմից մշակույթի զարգացման ղեկավարումը՝ ղուգակցված ժողովրդական մասսաների՝ մշակույթի կերտողների, ստեղծագործական ակտիվության հետ, հանդիսացավ կուլտուրական հեղափոխության խնդիրների լուծման պարտադիր պայմանը:

Մշակույթի մասին լենինյան ուսմունքի մեջ կարևոր տեղ է զբաղեցնում կուլտուրական ժառանգության, մշակույթի զարգացման մեջ հաջորդականության հարցը: Հայտնի է, որ դեռ սոցիալիստական հեղափոխությունից առաջ սոցիալ-դեմոկրատիայի որոշ տեսաբաններ առաջ էին քաշում այն տեսակետը, թե պրոլետարիատը պետք է մշակի իր սեփական մշակույթը, որը հակադրվում է անցյալի մշակույթին: Այս դրույթը հետագայում յուրացրին Պրոլետկուլտի գործիչները, որոնք Ռուսաստանում սոցիալիստական հեղափոխության հաղթանակից հետո սկսեցին պնդել, որ պրոլետարական «հատուկ» մշակույթի ստեղծումը պետք է ընթանա նախորդ կուլտուրայից անկախ, որը, իբր, արդյուտարիատի կողմից օգտագործվելու արժանի ոչինչ չի ստեղծել: Պրոլետկուլտի գործիչներին բնորոշ էր նիհիլիստական վերաբերմունքը անցյալի մշակույթի նկատմամբ, ազդային մշակույթների նվաճումների ժխտումը:

Կուլտուրական ժառանգության խնդրին Վ. Ի. Լենինը մոտենում էր անհամեմատ լայն, քննարկելով այն ոչ միայն նոր մշակույթի ստեղծման, այլև ամբողջ սոցիալիստական շինարարության տեսակետից: Վ. Ի. Լենինը դրսևում էր, որ սոցիալիստական մշակույթի ստեղծման ընթացքում պրոլետա-

րիատը կարող է և պետք է օգտագործի անցյալի դեմոկրատական մշակույթի նվաճումները: Ավելին, պրոլետարիատը չպետք է ժխտի և մերժի բուրժուական կուլտուրայի օբյեկտիվ նվաճումները, որոնք նոր պայմաններում կարող են ծառայել աշխատավոր ժողովրդին: Անցյալի մշակույթի նկատմամբ նման վերաբերմունքը արտահայտված է Վ. Ի. Լենինի հետևյալ խոսքերում. «...Ծղմված կապիտալիզմից չես կշտանա: Հարկավոր է վերցնել ամբողջ կուլտուրան, որ կապիտալիզմը թողել է, և նրանից սոցիալիզմ կառուցել: Հարկավոր է վերցնել ամբողջ գիտությունը, տեխնիկան, բոլոր գիտելիքները, արվեստը: Առանց այս բանի մենք չենք կարող կոմունիստական հասարակություն կյանքը կառուցել»¹², Վ. Ի. Լենինը վճռական պայքար էր մղում մարդկության մինչսոցիալիստական անցյալի նկատմամբ գոեհիկ, ժխտողական վերաբերմունքի դեմ: Նա գտնում էր, որ մարդկությունը իր գոյության ամբողջ ընթացքում ստեղծել է հարուստ քաղաքակրթություն, կուտակել է հսկայական փորձ կյանքի բոլոր բնագավառներում, և սոցիալիզմը չի կարող դանց առնել դրանք: Ընդհակառակը, ուսուցանում էր Լենինը, սոցիալիզմը հանդիսանում է նախորդ ողջ սերունդների ջանքերով ստեղծվածի օրինական ժառանգորդը: «Մենք չենք պատկերացնում այլ սոցիալիզմ,— գրել է Լենինը,— քան այն, որը հիմնված է խոշոր կապիտալիստական կուլտուրայի ձեռք բերած բոլոր դասերի վրա»¹³,

Սոցիալիզմը չի խախտում մարդկային հասարակության զարգացման մեջ հաջորդականությունը, և, հետևապես, սոցիալիզմի մշակույթը հենվում է անցյալի մշակույթի լավագույն նվաճումների վրա: Պահանջելով ճիշտ կերպով ըմբռնել կուլտուրական շինարարության խնդիրները, Վ. Ի. Լենինը կոմերիտմիության III համագումարում արտասանած իր նշանավոր ճառում ասել է. «Առանց պարզ ըմբռնելու այն, որ միայն մարդկային ամբողջ զարգացմամբ ստեղծված կուլտուրան ճշգրիտ գիտնալով, միայն նրա վերամշակմամբ կարելի է կառուցել պրոլետարական կուլտուրան—առանց այդպիսի ըմբռնման մենք այդ խնդիրը լուծել չենք կարող: Պրոլետարական կուլտուրան մի ինչ-որ անհատ տեղից դուրս պրծած, իրենց պրոլետարական կուլտուրայի մասնագետներ համարող մարդկանց հնարած բան չէ: Այդ բոլորը ամբողջապես անհեթեթություն է: Պրոլետարական կուլտուրան պետք է լինի օրինաչափ զարգացումը գիտելիքների այն պաշարի, որը մշակել է մարդկությունը կապիտալիստական հասարակության, կալվածատիրական հասարակության, շինովնիական հասարակության ճնշման տակ»¹⁴,

Վ. Ի. Լենինը գտնում էր, որ կուսակցությունը պետք է հետևողական ու վճռական պայքար մղի կուլտուրական շինարարության ամեն տեսակի աղավաղումների դեմ, բացատրի մասսաներին մշակույթի հարցերին մարքսիստական մոտեցման էությունը: Իր ամբողջ գործունեությամբ Վ. Ի. Լենինը դրա լավագույն օրինակն էր տալիս: Հայտնի է, թե ինչպիսի վճռականությամբ էր Վ. Ի. Լենինը պաշտպանում բուրժուական մասնագետներին, հին մտավորականությանը սոցիալիստական շինարարության շահերի համար օգտագործելու անհրաժեշտությունը, այն պայմաններում, երբ այս հարցում որոշակի

¹² Վ. Ի. Լենին, Երկեր, հատ. 29, էջ 66—67:

¹³ Նույն տեղում, հատ. 27, էջ 377:

¹⁴ Նույն տեղում, հատ. 31, էջ 348—349:

տատանումները ցուցաբերեցին նույնիսկ կուսակցության որոշ ղեկավար գործիչները: Պայքար ոչ թե մտավորականության դեմ, այլ մտավորականության համար՝ այսպիսին էր Վ. Ի. Լենինի մոտեցման էությունը այս խնդրում: Խոսելով սոցիալիստական շինարարության մեջ հին մտավորականության ներգրավման մասին, Վ. Ի. Լենինը ասում էր իր ընդդիմախոսներին. «Իսկ նրանց գիտելիքները, նրանց փորձն ու աշխատանքը մեզ պետք են, առանց նրանց՝ անհնարին է իրականում ձեռք բերել այն կուլտուրան, որն ստեղծել են հին հասարակական հարաբերությունները, և մնացել է որպես սոցիալիզմի նյութական բաղիս»¹⁵:

Սոցիալիստական մշակույթը սկզբից ևևթ ձևավորվում էր որպես բազմազգ մշակույթ: Նա ներառնում էր իր մեջ այն ամեն լավագույնը, որ ստեղծել էին ազգային մշակույթները նախորդ ժամանակաշրջանում: Այդ յուրացումը կրում էր ստեղծագործական բնույթ: Ազատասիրություն, հումանիզմ, ժողովրդայնության՝ այս և համամարդկային մշակույթի մյուս առաջադիմական առանձնահատկությունները հատուկ են անցյալի ազգային մշակույթների լավագույն ներկայացուցիչներին: Իրենց ստեղծագործություններում նրանք արտահայտել են ժողովրդի լավագույն իղձերը, և այդ ձգտումները մոտ ու հասկանալի էին բոլոր մարդկանց: Ազգային մշակույթների նվաճումների մնայուն արժեքը կայանում է հենց նրանում, որ լավագույն ստեղծագործությունները ապրում են հավերժ, ծառայում բազում սերունդներին: Իրանում նույնպես արտահայտվում է հաջորդականությունը բազմազգ սոցիալիստական մշակույթի ստեղծման գործում: Պատահական չէ, ուրեմն, որ նոր, սովետական մշակույթի կուլմն էին անցնում բոլոր այն գործիչները, ովքեր սոցիալիզմի մեջ տեսնում էին իրենց իդեալների հաղթանակը: Սոցիալիստական բազմազգ մշակույթի ձևավորման ակունքների մոտ կանգնած էին գրականության և արվեստի արդեն ճանաչված վարպետներ՝ գրողներ Ալեքսանդր Բլոկը և Պավլո Տիչինան, նկարիչներ Սերգեյ Կոնենկովը և Մարտիրոս Սարյանը, թատերական գործիչներ Կոնստանտին Ստանիսլավսկին ու Եվգենի Վախթանգովը և շատ ուրիշներ:

Վ. Ի. Լենինը չլսփազանց զգույշ և նրբանկատ էր մշակույթների ազգային գծերի պահպանման և զարգացման հարցերում: Մատնացույց անելով, որ հասարակության կյանքի բոլոր կողմերի, այդ թվում և հոգևոր գործունեության, ինտերնացիոնալացման պրոցեսը սկսել է դեռևս կապիտալիզմի օրոք և խորանում է սոցիալիզմի ժամանակ, Վ. Ի. Լենինը միաժամանակ գտնում էր, որ «...ժողովուրդների ու երկրների միջև... ազգային ու պետական տարբերությունները... պրոլետարիատի դիկտատուրան նույնիսկ համաշխարհային մասշտաբով իրագործվելուց հետո էլ կպահպանվեն շատ ու շատ երկար ժամանակ...»¹⁶, որ ինտերնացիոնալ մշակույթը բնավ էլ չի հանդիսանում ապազգային:

Լենինյան այս դրույթը չի կորցրել իր նշանակությունը նաև արդի դարաշրջանում, երբ, ինչպես հայտնի է, հոգևոր կյանքի ինտերնացիոնալացումը հասել է բարձր աստիճանի, երբ ավելի է ուժեղացել սովետական ազգային մշակույթների ծաղկման և փոխադարձ մերձեցման պրոցեսը: Սովե-

¹⁵ Նույն տեղում, հատ. 27, էջ 364—365:

¹⁶ Նույն տեղում, հատ. 31, էջ 97—98:

տական ժողովուրդների կուլտուրական փոխադարձ կապերի փորձը վկայում է, որ մշակույթների մերձեցումը հանդիսանում է յուրաքանչյուր ազգային մշակույթի ծաղկման պայմաններից մեկը: Ներառնելով գիտության, գրականության, արվեստի և հոգևոր ստեղծագործության մյուս բնագավառների նորը, առաջավորը՝ ազգային մշակույթը հարստացնում է իր բովանդակությամբ, բնավ չկորցնելով ազգային առանձնահատկությունները: Կոմունիստական կուսակցությունը, հավատարիմ լենինյան պատգամներին, այդ հարցին մոտենում է խիստ գիտականորեն, թույլ չտալով շեղումներ ոչ այս, ոչ այլ կողմ: «Խոսելով մարդկանց պատմական նոր ընդհանրության մասին, — նշում է Լ. Ի. Բրեժնևը, — մենք ամենևին էլ նկատի չենք ունենում, թե մեզ մոտ արդեն անհետացել են ազգային տարբերությունները, կամ, մանավանդ, տեղի է ունեցել ազգերի ձուլում: Սովետական Միությունում յապրող բոլոր ազգերն ու ազգությունները պահպանում են իրենց յուրահատկությունները, ազգային բնավորության գծերը, լեզուն, իրենց լավագույն տրադիցիաները: Նրանք բոլոր հնարավորություններն ունեն հասնելու իրենց ազգային կուլտուրաների էլ ավելի մեծ ծաղկման»¹⁷:

Վլադիմիր Իլյիչ Լենինը հսկայական ներդրում է կատարել մշակույթի մասին մարքսիստական ուսմունքի զարգացման գործում: Ներկայումս այդ ուսմունքը անհնար է պատկերացնել առանց լենինյան դրույթների, որոնք ստուգվել և հաստատվել են ՍՍՀՄ-ի և մյուս սոցիալիստական երկրների կուլտուրական շինարարության փորձով: Կուլտուրական հեղափոխության՝ Վ. Ի. Լենինի ձևակերպած խնդիրները, սոցիալիստական մշակույթի ստեղծման նրա նշած ուղիները տեսական ու գործնական մնայուն նշանակություն ունեն սոցիալիստական զարգացման ուղին մտած բոլոր երկրների և ժողովուրդների համար:

17 Լ. Ի. Բրեժնև, Լենինյան կուրսով, հատ. 4, էջ 321: